

# Inunnut annertuumik innarluutilinnut ulloq unnuarlu paaqqinniffit il.il. pillugit Namminersorlutik Oqartussat nalunaarutaat

Annertuumik innarluutilillit ikiorserneqartarerat pillugu Inatsisartut peqqussataat nr. 7, 3. november 1994-imeersumi, kingullermik Inatsisartut peqqussataanni nr. 10, 31. maj 2010-imeersumi allanngortinneqartumi, § 11, imm. 4, § 12, imm. 4, § 15, § 17, imm. 1 aamma § 20, imm. 2 naapertorlugit makku aalajangersarneqarput:

## Kapitali 1

### *Aalajangersakkat nalinginnaasut*

**§ 1.** Inunnut annertuumik innarluutilinnut ulloq unnuarlu paaqqinniffik najugaqartut nalinginnaasumik inuunermut sapinngisamik qaninnerpaamik inuuneqarsinnaalersillugit aaqqissuunneqassaaq ingerlanneqarlunilu.

*Imm. 2. Ulloq unnuarlu paaqqinniffimi perorsaaneq najugaqartut ukiui innarluutigisinnaasaallu eqqarsaatigalugit aaqqissuunneqassaaq.*

*Imm. 3. Ulloq unnuarlu paaqqinniffinni tamani siunertaq pillugu aalajangersagaliortoqarlunilu illumitorersumik piissusilernissaq pillugu malittarisassaliortoqassaaq, taakkunani lu ulloq unnuarlu paaqqinniffiup perorsaanikkut siunertaa kikkullu sullineqarnissaat takuneqarsinnaassaaq. Siunertaq pillugu aalajangersagaq Naalakkersuisunit akuerineqassaaq.*

*Imm. 4. Ulloq unnuarlu paaqqinniffit nalunaarut manna naapertorlugu naleqqussarneqarsimasut nalinginnaasumik inunnit utoqqalinersiuteqarnissamut utoqqaassusissaq sinnerlugu ukiulinnit najugaqarfingeqarsinnaanngillat.*

**§ 2.** Ulloq unnuarlu paaqqinniffit najukkami maleruagassiaminni piffissat ulloq unnuarlu paaqqinniffimmut pulaarfusinnaasut killilernissaavaat. Killiliinerli taanna paaqqinniffiup iluani eqqisisimanissaq torersumillu piissusilernissaq eqqarsaatigalugit pisariaqartumit ingasannerussanngilaq.

**§ 3.** Najugaqaqtigiffimmik imaluunniit najugaqarfinni illersugaasuni ingerlatsinermut kommunalbestyrelse isumaginnituusoq, najugaqartut suleqatigalugit najugaqarfimm malittarisassaliussaaq.

*Imm. 2. Najugaqarfimm malittarisassat najugaqarfifiup siunertaanut naleqqussarsimassapput aamma*

najugaqartut ataatsimoorlutik kissaataannut ulluinnarnilu ingerlatsinermi pisariaqartinneqartunut akerliliisuussanatik.

**§ 4.** Naalakkersuisut ulloq unnuarlu paaqqinniffinni, najugaqaqatigiiffinni imaluunniit najugaqarfinni illersugaasuni tunillaassuuttumik nappaalasoqartillugu iliuusissanut najoqqtassiussapput.

**§ 5.** Naalakkersuisut ulloq unnuarlu paaqqinniffit, najugaqaqatigiiffit aamma najugaqarfinni illersugaasuni missingersuutinut aamma naatsorsuutinut pisussaaffit pillugit najoqqtassiussapput.

## Kapitali 2

*Ingerlatsinermut aalajangersakkat*

**§ 6.** Ulloq unnuarlu paaqqinniffit Naalakkersuisunit pigineqarput ingerlanneqarlutillu.

*Imm. 2.* Ulloq unnuarlu paaqqinniffinni ataasiakkaani pisortat Naalakkersuisunit atorfinitssinneqassapput, taakkulu Naalakkersuisunit najoqqtassiarineqarsimasut malillugit ulloq unnuarlu paaqqinniffiup ulluinnarni ingerlanneqarneranik isumaginnittuussapput.

**§ 7.** Najugaqaqatigiiffinnut aamma najugaqarfinnut illersugaasunut ataasiakkaanut ingerlatsinermut malittarisassanik kommunalbestyrelse immikkut aalajangersaasassaaq.

*Imm. 2.* Kommunalbestyrelse najugaqarfimmik illersugaasumik ingerlatsisuuusoq, imm 1-imi aalajangersakkat naapertorlugit ulluinnarni ingerlatsinermik isumaginnittussamik najugaqarfiiup pisortaanik atorfinitssisinaavoq.

## Kapitali 3

*Ulloq unnuarlu paaqqinniffit aaqqissugaanerat pillugu aalajangersakkat*

**§ 8.** Ulloq unnuarlu paaqqinniffik sapinngisaq malillugu najugaqartut tamarmik immikkut ineqarsinnaalersillugit aaqqissuunneqassaaq.

**§ 9.** Najugaqartut uffarfimmut, perusuersartarfimmut, igaffimmut kiisalu inimut isersimaartarfimmut isersinnaassapput.

*Imm. 2.* Ulloq unnuarlu paaqqinniffik najugaqartut sunngiffimminni sammisaqarnissamut periarfissaqartillugit aaqqissuunneqassaaq.

*Imm. 3.* Ulloq unnuarlu paaqqinniffik sulisunut immikkut allaffeqarlunilu atortorissaarutinik peqassaaq.

*Imm. 4.* Ulloq unnuarlu paaqqinniffimi unnuakkut pigaartoqartarpat sulisunut qasuersaarfiusinnaasumik ineqartitsisoqassaaq.

**§ 10.** Ulloq unnuarlu paaqqinniffik qaqugukkulluunniit sanaartornermut oqartussaasunit qatserisartoqarfimmit Sullivinnillu Nakkutilliisoqarfimmit akuerineqarsinnaasumik ilusilersorneqarsimassaqq.

**§ 11.** Najugaqartut inaasa aaqqissuunneqarnerat sapinggisamik najugaqartoq suleqatigalugu aaqqissuunneqassapput, najugaqartullu ukiuinut innarluuteqarnerannullu naleqquttunik pequteqassalluni.

**§ 12.** Ini ataatsimoorfik imatut aaqqissuunneqassaaq, innarluuteqarneq apeqqutaatinnagu, najugaqartunit tamanit atorneqarsinnaalluni.

## Kapitali 4

*Inissinneqarnissamik innersuunneqartarneq aamma inissiisarnermut ataatsimiititaliaq*

**§ 13.** Ulloq unnuarlu paaqqinniffit tamarmik immikkut inissiisarnermut ataatsimiititaqassapput. Paaqqinniffiup pisortaa ataatsimiititaliami siulittaasuussaaq, aamma ulloq unnuarlu paaqqinniffik ataatsimiititaliamut allatseqarfiusaaq. Ulloq unnuarlu paaqqinniffinni ataasiakkaani inissiisarnermut ataatsimiititaliat ilaasortaasa katitigaanerat Naalakkersuisut aalajangertassavaat.

*Imm. 2. Inissiisarnermut ataatsimiititaliap suleriaasissani nammineq aalajangertassavaa, taanna Naalakkersuisunit akuerineqartassaaq.*

**§ 14.** Ulloq unnuarlu paaqqinniffimmut inissiinissamik paaqqinniffimiillu angerlartitsiniarluni qinnuteqaatit tamaasa inissiisarnermut ataatsimiititaliap suliarisassavai.

**§ 15.** Inissiinerni tamani inissiineq inissinneqartumut iluaquataanerusussaq anguniarlugu pissamat, inissiinerlu paaqqinniffiup siunertaanut naapertuuttuunersoq inissiisarnermut ataatsimiititaliap nakkutigissavaa.

**§ 16.** Najugaqaqtigiffinni aamma najugaqarfinni illersugaasuni tamani inissiisarnermut ataatsimiititamik kommunalbestyrelse pilersitsissaq. Inissiisarnermut ataatsimiititaq kommunalbestyrelsip sinniisuanit, najugaqarfipiup pisortaanit sapinggisamillu najugaqartunit tamanit inuttaqartinneqassaaq.

*Imm. 2. Kommunalbestyrelsip sinniisua ataatsimiititaliami siulittaasuuvooq ataatsimiititaliallu allatseqartinneqarnissaa isumagissallugu.*

*Imm. 3. Inissiisarnermut ataatsimiititaliap suleriaasissani nammineq aalajangersassavaa.*

*Imm. 4. Inissiisarnermut ataatsimiititaliap aalajangiineri aalajangiinermit sapaatit akunneri 4 qaangiutsinnagit kommunalbestyrelsimit naammagittaalliuutigineqarsinnaapput.*

## Kapitali 5

*Ineriartortitsinissamut pilersaarutit*

**§ 17.** Inuup annertuumik innarluutillip ulloq unnuarlu paaqqinniffimmut inissinneqarneranut atatillugu, ineriartortitsinissamut pilersaarut suliarineqassaaq.

*Imm. 2. Ineriartortitsinissamut pilersaarut inuit annertuumik innarluutillit pillugit siunnersorti immikkut ilisimasalik aamma Naalakkersuisut suleqatigalugit ulloq unnuarlu paaqqinniffimmit kommunitullu najugarisami kommunalbestyrelsemitt suliarineqassaaq.*

*Imm. 3. Ineriertortitsinissamut pilersaarut pineqartumit namminermit sapinggisamik akuerineqassaaq, imaluunniit meeraq pineqarpat angajoqqaatut akisussaassuseqartunit akuerineqassalluni. Pineqartoq nammineersinnaassusiagaasimappat ineriertortitsinissamut pilersaarut pineqartup angajoqqaatut sinniisuanit aamma akuerineqassaaq.*

## Kapitali 6

*Paaqqinniffimi katsorsaaviusumiinneq immikkut eqqarsaatigalugu*

**§ 18.** Paaqqinniffinnut katsorsaaviusunut inissiinermut atatillugu katsorsaanissamut pilersaarutip suliarineqarnerani pineqartup katsorsarneqarnermi kingorna sumi ineqarnissaanik neqerooruteqartoqarnissa aalajangiivigineqassaaq.

*Imm. 2. Pineqartup katsorsarneqarnera naammassisimappat, taassungalu inissamik neqeroorummik naleqquatumik tunniussisoqarsinnaanani, pineqartup paaqqinniffimi ineqarallarneranut katsorsaaviusup kommune angerlarsimaffigisaq akiliitissinnaavaa.*

## Kapitali 7

*Sulisut qassiussusissaat immikkut eqqarsaatigalugu*

**§ 19.** Ulloq unnuarlu paaqqinniffinni tamani sulisut qassiussusissaat Naalakkersuisunit aalajangersarneqassapput.

## Kapitali 8

*Ulloq unnuarlu paaqqinniffinnut il.il. akigititat*

**§ 20.** Inuit annertuumik innarluutillit ulloq unnuarlu paaqqinniffimi najugaqarneri, ullormut unnuamullu ataatsimut akigititaq communalbestyrelsimit akilerneqassaaq, Inuit annertuumik innarluutillit ikiorserneqartnerat pillugu Inatsisartut peqqussutaat § 16 a naapertorlugu aalajangersarneqartumi.

**§ 21.** Pineqartoq ullup unnuallu ilaannaani paaqqinniffimiittarpak akigititat ilanngarlugit akiliutigitinneqassapput, akigititallu taakku communalbestyrelsip paaqqinniffiullu akornanni ataasiakkaarlugit isumaqtigiiutiqineqartassapput.

*Imm. 2. Ulloq unnuarlu paaqqinniffimi najugaqartoq sulinngiffeqarneq, napparsimaneq assigisaanilluunniit pissutigalugu sapaatip akunneri 2 sinnerlugit paaqqinniffiup avataani najugaqarsimappat pineqartoq ulloq unnuarlu paaqqinniffimi suli najugaqartutut isigineqassaaq, piffissamili tassani § 20 naapertorlugu akigititat nalinginnaasut 85%-ii tikillugit ikilineqarsinnaallutik.*

*Imm. 3. Paaqqinniffik najugaqarallartussamik inissiivigineqarpat, assersuutigalugu najugaqartup taassumaluunniit ilaquaasa oqlisaanneqarnissaat siunertalarugu imaluunniit najugaqartup sulinngiffeqarneranut atatillugu, § 20 naapertorlugu najugaqarnerup nalaani ulloq unnuarlu akigititat nalinginnaasut akiliutigineqartassapput.*

**§ 22.** Najugaqartoq najugaqarnermi nalaani namminerisaminik isertitaqartaruni isertitami 60%-ii tikillugit akiliutigisassavai, taamaattorli amerlanerpaamik § 20 naapertorlugu akigititat taaneqartut

amerlaqataannik. Kommunalbestyrelsip akigititanut akiliutai taakku amerlaqataannik ikilineqartassapput.

**§ 23.** Najugaqartoq siusinaartumik utoqqalinersiaqartoq siusinaartumik utoqqalinersiat tunniunneqartarnerat pillugu aalajangersarneqarsimasut malillugit ineqarnerminut akiliuteqartinneqassaaq.

**§ 24.** Ulloq unnuarlu paaqqinniffik communalbestyrelsimit immikkut ittumik sullisisarpat, Naalakkersuisut communalbestyrelse isumaqatigalugu tamanna akilertissinnaavaat.

### Kapitali 9

#### Atuutilerfia

**§ 25.** Nalunaarut manna atuutilissaaq ulloq 1. januari 2019.

*Imm. 2. Peqatigisaanik Meeqqanut inuusuttunullu kiisalu annertuumik innarluutilinnut ulloq unnuarlu paaqqinniffit pillugit Namminersornerullutik Oqartussat nalunaarutaat nr. 64, 29. december 1994-imeersoq atorunnaarsinneqarpooq.*

*Namminersorlutik Oqartussat, ulloq 6. december 2018*

Martha Abelsen

/

Julie Præst Wilche

**Namminersorlutik Oqartussat**  
Imaneq 4  
3900 Nuuk  
E-mail: nsninatsit@nanoq.gl

Linkit iluaquataasussat

Kalaallit Nunaanni inatsisinut nalunaarutit  
Namminersorlutik Oqartussat inatsisinut toqqorsiviit  
Naalakkersuisut

